

{ أَلَمْ أَنْهَكُمَا } قصة الهبوط .. اللقاء (20) .. #أبي_آدم .. د .

حازم شومان

حازم شومان

وسبحان الله وما انا من المشركين السلام عليكم ورحمة الله وبركاته الحمد لله وكفى الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببئك الخير كله واليك يرجع - 00:00:00

الامر كله. لبيك يا ربنا وسعديك والخير كله في يديك. والشر ليس اليك. انا بك واليك. انا بك واليك انا بك واليك تباركت وتعاليت. استغفرك واتوب اليك. اللهم صل على محمد وعلى ال محمد - 00:00:45

كما صليت على ابراهيم وعلى ال ابراهيم. انك حميد مجيد. اللهم بارك على محمد وعلى ال محمد كما باركت على ابراهيم وعلى ال ابراهيم انك حميد مجيد. الهي الهي ان اتيت بكل ذنب الهي ان اتيت بك - 00:01:05

كل ذنب فلا اولى بعفو منك عني. الهي قد جنيت واي عبد ضعيف الخلق مثلي ليس يجني. الهي من سواك يجير همي. ومن ادعوه مضطرا يجيرني الهي وسيدي ومولاي. اللهم صل على عبدك ونبيك ووليك وصفيك ورسولك. وخيلك وحبيبك محمد. صلى الله - 00:01:25

الله عليه وسلم في الاولين والآخرين والملا الأعلى الى يوم الدين. ثم اما بعد اخواني في الله. اخواني في الله يعني جاء الصيف وحينما يجيء الصيف يبدأ المخطط الابليسي يشتد على اشده مخطط ليبيدي لهما ما وري عنهما. تبدأ ازمة القماش ويبدأ التبرج - 00:01:55

السفور وتبدأ اشد فتن بيتعرض لها الشباب. والنساء على وجه الارض. حينما يأتي الصيف تبدأ فتنة ليبيدي لهما يا اخواني كلمة مش هتقدر تغمض عينيك. اوعوا تفتكروا ان بشر هو اللي قالها. اوعوا تفتكروا ان القناة هي اللي قالتها. اوعوا تفتكروا ان - 00:02:15

حد هو اللي اخترعها. دي كلمة ابليس من الاف السنين. من الاف السنين لما قال ظفرت به خلق لا يتمالك مش هيقدر يغمض عينيه. لو بص مش هيقدر ان هو يتراجع. لو عرض للفتنة وبص لها مش هيقدر لا يغمض عينيه ولا يممسك ايديه - 00:02:35

دي كلمة ابليس من زمان. اخواني في الله ابشروا يا شباب. ابشروا يا اخوات ابشروا. ابشروا يا جماعة والله بحديس رسول الله. صلى الله وسلم ان من ورائكم ايام الصبر. الرسول سمى هذه الايام ايام الصبر عليه الصلاة والسلام. في رواية صحيحة الصبر - 00:02:55

فيهن مثل القبض على الجمر. ابشر يا كل واحد ماسك على دينه. زي اللي ماسك على حطة نار في ايديه. للعامل فيهن اجر خمسين منكم. يعني الدرس اللي انت بتحضره له اخد خمسين درس من دروس الصحابة. يعني النقاب اللي انت لابساه - 00:03:15

اجر خمسين نقاب من نقابات نساء الصحابة. يا جماعة ده كلام رسول الله. صلى الله عليه وسلم. اللي مستغرب منكم الصحابة استغربوا من قبلكم. قالوا له يا رسول الله او منهم مش اجر خمسين مننا. قال لهم بل منكم ابشروا يا اخوان انتم ماشيين في اعظم طريق. بس المهم انكم تسبتوا. المهم انكم تصبروا - 00:03:35

يا جماعة نفس الاوامر اللي اتطلبت منكم هي اللي اتطلبت من الملائكة. امال الفرق ايه؟ الفرق ان الملائكة ما عندهاش تبرج. الفرق ان الملائكة مش زي المسجد اللي احنا فيه محاط بالشهوات من كل ناحية. الفرق ان الملائكة لما بتخرج من العبادة اللي احنا فيها ما بتلاقيش الف فتنة وفتنة مستنياها. الفرق - 00:03:55

ان انت بتعبد ربنا ومطلوب منك نفس الاوامر بس الفتن بتأتيك. يا ترى هتلي امر ربنا مهما الفتن نادتك ولا هتقع هو ده الابتلاء.

ابشروا يا شباب. ابشروا بحديث رسول الله صلى الله عليه وسلم. قبل ما يموت بايام. وهو يقول للصحابة وددت انا - [00:04:15](#)
اخواننا انا عايز اشوف اخواني. قالوا لي يا رسول الله اولسنا اخوانك؟ قال لهم لا. انتم اصحابي. تخيل ان النبي يقول اخوه تخيلي ان
رسول الله صلى الله عليه وسلم يقول عليك اخته. يا جماعة اخواننا ولكنهم اناس يأتون بعد - [00:04:35](#)

دول لسه هيجوا بعد رسول الله صلى الله عليه وسلم. او كما قال حبيب الله المصطفى عليه الصلاة والسلام اقول ايه؟ طب انت
تبقى اخته ليه؟ طب احنا نبقى اخوان. الانبياء والصحابة ليه؟ لان نفس الفتن وغربة الدين اللي عاشوها جينا النهارده - [00:04:55](#)
نعيشها. جينا النهارده نستحملها. نفس الرايات الحمر اللي طلعو فيها. جينا النهارده نلاقيها. نفس دواعي المعصية اللي عاشوا فيها
جينا النهارده نلاقيها لو صبرت ايها الملتزم خدت لقب اخواني الانبياء والصحابة. لو صبرت لو صبرت - [00:05:12](#)
هتاخذ شرف لأ يا جماعة يا اخوانا ما فيش ملك من ملوك الدنيا بيدخل اي حد بيته. ربنا دخلنا بيته. ربنا دخلك ودخلك بيته انت
حاسس بالشرف اللي ربنا اداه لك. كل اخ من الاخوة قاعد الوقتي وكل بنت من البنات قاعدة وحاسس ان هو محبط. وحاسس انه
مش - [00:05:32](#)

اتغير وحس انه تعبان وهو جاي في الطريق اتعرض لفتنة ولا لشهوة ولا وجاي تعبان وحاسس انه مش هيقدر يتغير. ابشروا يا شباب
ابو زر في يوم من الايام الرسول عليه الصلاة والسلام قال له انك امرئ فيك ايه؟ فيك جاهلية وممرت الايام وابو زر - [00:05:52](#)
تجاهد واجتهد وفتح عليه. لحد ما رسول الله صلى الله عليه وسلم قال عليه هو نفسه ما اظلت الخضراء ولا اقلت الغبرة ومن ذي
لهجة اصدق من ابي ذر. ابشروا يا جماعة التغيير ممكن. التغيير سهل باذن الله. ممكن تتغير وتبقى - [00:06:12](#)
احسن من احسن حد شفته في حياتك. ممكن تتغيري وتبقي اقرب الى الله من اقرب واحدة شفتيها في حياتك. ابشروا يا جماعة
ابشروا. في ايام اللي احنا فيها. في ايام ليبيدي لهما ما ووري عنهما. في ايام التبرج والعري والسفور. في ايام الاختلاط في ايام الفتن.
ابشروا - [00:06:32](#)

يا جماعة واصبروا كان ليه؟ كان ليه ربنا بيخرج ادم من الجنة؟ كان ليه ربنا بيجعل؟ بيترك ابليس يغويه او او يخليه يعصي. كان ليه
ربنا بيخلي السوقات تكشف؟ كان ليه ربنا سبحانه وتعالى وهو سبحانه وتعالى الشر ليس اليه؟ كان ليه ربنا بيخلينا ننزل الدنيا
وتتعرض للفتن ويبقى في - [00:06:52](#)

ويبقى فيه نار ومية وعشرين الف نبي ورسول. وملايكة تقبض الارواح وملايكة تنفخ في الارواح. وحساب وعذاب وقبول كل ده كان
ليه؟ كل ده لان احنا جايين هنا وانا ابتلاء شديد. وانا مهمة عظيمة. وانا رسالة عظيمة. اخواني في الله - [00:07:12](#)
مع الحلقة الثانية او الدرس الثاني من قصة ابي ادم والواحد بيسمع قصة ادم عليه الصلاة والسلام في سورة البقرة في القرآن في
بيسبق حاسة يا جماعة ان الايات كانها مطارق على القلوب. حاسس في كل كلمة ربنا بيقولها. في القرآن وفي قصة ادب كانها مطارق
على - [00:07:32](#)

قلوب. وربنا بيقول فاخرجهما مما كان فيه. ياه! مما للتعظيم. حاجة لا توصف كانوا في نعيم لا يوصف ابليس عايز يطلعك من كل
نعمة ربنا اداه لك. ابليس عايز يخرجك من اللي انت فيه الوقتي. احذروا يا جماعة. احذروا من هذا العدو المبين - [00:07:52](#)
اللي للاسف حصل تطبيع بينه وبين البشر. وضع البشر من غير ما يحسسهم ان هو موجود. اخواني في الله المرة اللي فاتت المرة
اللي فاتت وقفت على باب الجنة وقفنا بعد ما اتكلمنا عن سلسلة نسبك. اتكلمنا عن الطين والتراب والحمق والصلصال. اتكلمنا عن
الطين - [00:08:12](#)

ازاي بعد كده ربنا خلاه مخلوق في احسن تقويم؟ لا لك دين زي الحيوانات. ولا لك زلومة زي الفيل. ولا عندك فرو على ظهرك زي
الخرفان ولا ماشية على اربع رجلين زي البهائم. اتكلمنا يا جماعة. واتكلمنا عن نفخة الروح اللي حولتك من طين لخليفة - [00:08:32](#)
الروح اللي خلتك الوقت رغم كل الشهوات اللي برة. لا انت قاعد قدام موقع قذر. ولا انت قاعد قدام قناة منحلة. ولا انت راكب عربية
الاغاني ولا انت قاعد الوقتي بتحادس فتاة ولا انت ماشية في الشارع متبرجة متعطرة. اللي خلتك رغم كل اللي برة جاي دلوقت
تدور - [00:08:52](#)

على كلمة توصلك لرينا. اتكلمنا المرة اللي فاتت عن اول معصية ربنا عصي بها في ملكوت السماوات. عن معصية ابليس اللي كانت مشهد اخرج منها برة برة ملكوت السماوات. اخرج منها مذنوباً مدحوراً. مذنوب يعني - [00:09:12](#)

الذنب اللي هو الزنب اخرج منها مهان. مفضوح مهان مفضوح مفضوح فيه. في مسالكك وعيوبك يا ابليس مطحون اللي بيخرج مدحور اللي هو بيطرده وهو بيضرب بالاقلام ويضرب ويركل بالارجل. ابليس خارج مشتوم مظلوم - [00:09:32](#)

مهان مضروب ابليس خارج في ابشع منزر ممكن حد يخرج به وقفنا المرة اللي فاتت عند اللحزة اللي ادم هيدخل فيها الجنة. عند اللحظة يا جماعة اللي احنا بنتمنى ان ييجي يوم ندخلها. عند اللحزة اللي كل واحد مننا نفسه في يوم من الايام - [00:09:52](#)

يتقال له يا فلان اسكن انت وزوجك الجنة. ويا ادم يا ادم ربنا بيكلمه يا جماعة. الله بيكلمه بعد المعصية هينزل خلاص جبريل اللي هيكلمه. يا ادم اسكن من السكن انت وزوجك الجنة. ادم يا جماعة - [00:10:10](#)

الوحيد اللي عاش في الجنة كلها لوحده. لوحده. سكن في قصورها وعاش في وسبح في انهارها واكل من ثمارها. مش عاش لوحده. يا جماعة ادم ادم يا جماعة ربنا سبحانه وتعالى خلاه يعيش في الجنة فترة طويلة جداً. تكاد تقارب في بعض الاثار الفترة اللي عاش على الارض. لما نزل - [00:10:30](#)

سيدنا ادم ربنا يقول له يا ادم اسكن انت وزوجك الجنة وكلا منها رغدا حيث شئتما ولا تقربا هذه الشجرة قرب يا ادم من الشجرة دي. انت خلق لا يتمالك. لو قربت هتقع يا ادم زي ما اديك المشاية كلها واقول لك في اوضة في شقة في عمارة - [00:10:50](#)

من كل عمارات المشاية اوعى تدخلها. زي ما اديك عذبة فيها الاف النخيل. واقول لك نخلة واحدة وهتاكل منها. ولا تقربا يا ادم انت مش هتستحمل الرب! اوعى تقرب يا ادم! ولا تقرب هذه الشجرة فتكون من الظالمين. هنتكلم الليلة يا جماعة من اول - [00:11:10](#)

ادم دخل الجنة وعاش في تكريم لا يوصف. وعاش في نعيم لا يوصف. خد بالك. نفس قصة المعصية اللي انت هتسمعها دلوقتي هي قصتك انت انت نفسك هي قصتك انت نفسك نفس قصة المعصية ده ايه؟ نفس القصة اللي هتسمعوها الليلة يا جماعة ان شاء الله. هي قصتنا. كل واحد - [00:11:30](#)

اتعرض للقصة دي الف مرة قبل كده نفس المخطط نفس الخطوات نفس النتيجة نتيجة الخروج من الجنة كل واحد عاش فيها. خد بالك ما لك؟ كل واحد انتكس كل قصة انتكاس هي قصة خروج من الجنة. خدي بالك كل واحدة خلعت حجابها ونقابها قصة خروج من الجنة. خد - [00:11:50](#)

كل واحد كان بيقوم الليل وترك قيام الليل قصة خروج من الجنة. كل واحد كان بيعمل طاعة وسابها قصة خروج من الجنة. اهبطها. يا جماعة واحد فينا بيهبط وهو مش حاسس. كل واحد قلبه مشغول بالدنيا وزينتها. قاعد بيهبط وهو مش حاسس. الف قصة خروج من الجنة كل يوم - [00:12:10](#)

بتعرض لها واحنا مش حاسين. اسمع بقلبك القصة بتاعة الليلة. قصة بتخاطب قلبك وعقلك. قصة الهبوط. قصة لحظة قصة المعصية الواحدة ممكن تعمل في حياة كل واحد مننا ايه قصة ادم يا جماعة يدخل ادم الجنة ويعيش فيها فترة طويلة جداً يعني يروى انها وصلت لحوالي خمسميت سنة بمقياس الارض مش - [00:12:30](#)

مقياس السماء لانها ابن قيس السماء ساعة واحدة. خلق في اخر ساعة من يوم الجمعة. فما غربت شمس الجمعة حتى خرج منها. ولكن الامام خبري قال لك ان الساعة دي بمقياس الزمن في السماء وليس في الارض. المهم يا اخواني. المهم يا اخواني ان سيدنا ادم دخل الجنة. عاش في نعيم ملأ - [00:12:57](#)

عين رأت ولا اذن سمعت ولا خطر على قلب بشر. ربنا خلق له حواء. اجمل امرأة في تاريخ البشرية خلقها له حواء من الاحتواء زي ما الضلع اللي حوالين القلب بيحتوي القلب وبيلف حواليه. حواء اتخلقت من الضلع اللي بيلف حوالين القلب ويحتويه - [00:13:17](#)

المرأة وزيفتها الاحتواء العاطفي لزوجها لاولادها. ادم ربنا ادى له حواء بكل حنانها وحبها وعواطفها. ادى له وبكل جمالها. ادى له امرأة اتخلقت جوة الجنة. شربت من انهارها. عمرها ما عرفت حاجة برة الجنة. عمرها ما عاشت لحزة برة الجنة. اكلت من ثمارها -

[00:13:37](#)

تخيل حواء كان جمالها ايه؟ تخيل حواء كانت شكلها ايه؟ ادى له حواء. عليه الصلاة والسلام سيدنا ادم. ربنا ادى لسيدنا ادم حواء واسكنه الجنة. يا جماعة الجنة دي مش عطاء ملك لاجيرو. ده عطاء محب لحبيبه. عطاء الجنة اداه له - [00:13:57](#)
يتنعم فيه لوحده هو وحواء. ربنا قال له اسكن فيها رغد. رغد يعني زي الملوك. ما انتاش محتاج حاجة. مش ناقصك حاجة. مش شاييل اهم حاجة ويفضل ادم يتنعم جوة الجنة ولكن كان فيه واحد واقف يراقب ادم بحقد لو اتوزع على وجه الارض كلها يصيد -

[00:14:17](#)

كان فيه واحد واقف يراقب ادم وهو حاسس ان كل اللي فيه ادم ده كان مكانه هو واتاخذ منه كان فيه حد يراقب ادم وهو حاسس ان مطاردته مرة وحرمانه من كل ده بسبب المخلوق ده. كان في واحد يراقبه وهو حسان هو وزريته كلهم هيروحوا جهنم -

[00:14:37](#)

يبقى لا يمكن هاسيب ده هو اللي بسببه هو وزريته هيروحوا جهنم. من غير ما المخلوق ده هو وزريته هو كمان يروحوا جهنم. كان فيه حد وحاسس ان هو غوى ومستقبله ضاع بسبب المخلوق دهو. لا يمكن هو هيتغوى ومستقبله هيضيع من غير ما يسبب المخلوق ده هو كمان - [00:14:57](#)

ومستقبله يضيع. كان في واحد واقف يراقب المخلوق ده اهو. واقف يراقب ادم. وهو مصمم ان هو يحطمه. وهو مصمم ان هو يدمره زي ما واقف دلوقتي راقب كل واحد فيكم. زي ما واقف دلوقتي يراقب كل واحدة فيكم. زي ما واقف يراقبك الوقتي. ومليان حقد

[00:15:17](#) رهيب -

تحس انك واخذ مكانه وحاسس ان لا يمكن. لا يمكن هيسيبك. يروح هو جهنم وتروح انت الجنة. وياخذ القرار المخلوق ده. ياخذ قرار انه هيعلنها معركة. ياخذ قرار انه هيدخل حرب. ياخذ قرار انه لا يمكن هيسكت على انه يروح جهنم لوحده. ياخذ قرار ويقرر -

[00:15:37](#)

ويحط الخطة ويبدأ ابليس في الجولة الاولى يبدأ ابليس في مراسم وخطة الجولة الاولى ما بينه وما بين ادم هدف الجولة الاولى ان ادم يخرج من الجنة يروح الارض والجولة - [00:15:57](#)

بقى من الارض على جهنم والعياذ بالله. يقف ابليس يراقب ادم يا جماعة. يروى ان ادم عاش مئات السنين في الجنة. ابليس واقف يراقبه. كل الوقت ده واقف يدرسه لقي اقعدن لهم صراطك. انا هاقعد هادرس كل واحد منهم. هاشوف الباب الملخلخ في كل واحد

[00:16:12](#) ايه ؟ كل واحد -

عامل زي المبني ده. بالتأكيد شباك من دول هيبقى فيه مشكلة. بالتأكيد فيه باب هيبقى فيه نقطة ضعف. يقف يراقبك ويدرسك ويشوف الباب الضعيف اللي فيك ويشوف هيدخل لك ويحطملك منين. يقف ابليس يعلن مبدأ بطيء ولكن مضمون يقف يراقب ادم -

[00:16:32](#)

ياه ده لا يفكر في الشجرة ولا يقرب منها ولا يبجي ناحيتها. بس انا عارف هيبجي ناحيتها ازاى. انا عارف اخليه ياكل منها ازاى انا عارف مدخله بعد ما درس ادم ودرس كل حاجة عن ادم وعاش سنين طويلة يدرس سيدنا ادم - [00:16:52](#)

السيدة حواء يبدأ ابليس ينفذ خطته وتبدأ المرحلة الاولى يتسلل ابليس لادم وربنا سبحانه وتعالى يترك ابليس قدره سبحانه وتعالى. اول حاجة يروح لادم بعد سنين طويلة. ادم خلاص يمكن نسي ابليس. ونسي عداوة ابليس. يدخل ابليس. ويقعد - [00:17:12](#)

يبكي يبكي بتبكي ليه ؟ يا عيني ادم يا عيني يا حواء يا عيني ايه بتبكي ليه ؟ ده احنا عايشين في الجنة ده احنا بنتنعم ليل نهار ده احنا عايشين في ملك وفي نعيم لا يوصف. ولا تتخيلوا العقول والقلوب. ايوه صحيح بس يا عيني. يا عيني ايه! هتموت يا -

[00:17:32](#)

هتموتي يا حواء النعيم ده كله هيروح منكم ياه ويقعد يبكي قدامهم يبكي وهو بيتظاهر انه مش قادر يتحمل ان هم يتحرموا من النعيم ده. وهيسيبوا كل ده. هتسبب كل ده ادم وهتموت. هتسبب كل ده حواء. هتفارقوا بعض - [00:17:52](#)

مش هيفرق بينكم وهيفرق ما بينكم وما بين الجنة. للأسف يا ادم مهما كان النعيم اللي انت فيه هتموت وهتسبب يا ادم ابليس ويبدأ

يوهم ادم انه حبيبه. ربنا قال له عدو لك. لك ولزوجك. يبدأ يحسسك اول مرحلة انه يبدأ يحسسك انه مش مع ديك - 00:18:12
انه يبدأ يحسسك انه خايف عليك. انه يبدأ يحسسك انه يفكر في مصلحتك. انه ينسبك انه عدوه. زي ما اليهود بيعملوا مع العرب
كده حاولوا يتبعوا احنا مش اعداء لكم ولا حاجة - 00:18:33

ادم فترة. ابليس يا جماعة ما بيأسس ابليس يا جماعة ما بيستعصبش حاجة. انا عايزك تتخيل اول مرة الشيطان فكر انه يخلي بني
ادم يعبد فار. فار هو بني ادم عاقل يقبض فار. تخيل اول الشيطان فكر انه يخلي بني ادم يعبد بقرة. الشياطين ضحكت عليه قد ايه ؟
الشياطين قالت له انت اتجننت - 00:18:47

قد ايه ونجح انه يخلي البني ادم يعبد بقرة. يا جماعة الشيطان رسام. رسام بيزين. يعني تخيل واحدة منقبة من اخ من اكتر الحاجات
اللي تدل على ابليس انه يخلي شاب ممكن يبص لواحدة منقبة بتبص ليه ؟ ده لابسة اسود في اسود. خلى له الاسود في اسود الوان
الربيع - 00:19:10

زي بسام ماشي زين عامل زي واحد ماشي في الشارع لقي ورقة بخمسين جنيه مرمية. يقوم يمد ايده كده اتاريني واحد رابطها في
خيط يقعد يسحبها والتاني يمد ويتدلى والتاني يسحب. والتالت يمد والتالت يسحب يسحب. اتربي فيه حفرة جواها نار. اول -
00:19:30

هيفضل يسحب مش واخذ باله يلاقيه وقع في الحفرة. هي دي. فداهما بغرور. زي ما البئر زي ما الدلو بيتدلى في البئر. يفضل واحدة
واحدة خطوات الشيطان مش هبضيعك مرة واحدة. خطوة خطوة بغرور هيلون لك كل حاجة بغير لونها - 00:19:50
ابليس يا جماعة ما بيأسس عشان ابليس صبور جدا. عشان اول معصية عشان اول مرة يقع فيها الشاب في الزنا. ممكن يقعد عشرين
سنة. عشرين سنة يغويه. بس بعد اول مرة هو عارف ان هو ممكن والعياذ بالله يقع فيها على طول لوحده - 00:20:10

ابليس بيصبر عليك اول مرة. ابليس يا جماعة ما بيأسس لو حاول معك ميت مرة وفشل ما بيأسس الايات المنسوبة لبلعان نبأ الذي
اتيناه اياتنا. فضل وراه بعد ما بقى عالم الارض - 00:20:30

بعد ما بقى عامل زي كبار علماء الارض لحد ما خلاه كلب لحد ما خلاه كمثل الكلب. ابليس ما تتوقعشي انك انت اجتهدت في
القيام ولا العبادة ولا الدعوة انه ييأس منك لا - 00:20:46

واقف ومستنيك. لو قعدت خمسميت سنة جوة المسجد هنا هو مستنيك برة. اوعى تأمن لذلك العدو. والخطة بتاعته كلها مرة واحدة
ان هو بيدي لك انه يخليك تبص هو عارف انك لو بصيت انت هتدمر نفسك بنفسك. انت اللي هتضيع نفسك بنفسك. انت -
00:21:01

انت اللي هتقضي على نفسك بنفسك. ابليس يا جماعة يبدأ عايز يعمل مهمته مع ادم. انتم عارفين مهمة ابليس مع ادم ايه ؟ يا جماعة
مهمة ابليس ان سلك كهربا عريان - 00:21:21

سلك كهربا عريان يخليك تمسكه. امسكه ازاى ! هو فيه عائد يمسك سلك الكهربا عريان ! وكمان ملايين الجنس مرمية حواليه ! ازاى !
هو فيه انسان اللي يمسك سلك الكهربا عريان ييجي يقول لك خد بالك. ده السلك ده هو سعادتك ازاى ؟ ده انا هموت لو لمستته. لا لا لا
لا. امال الميتين ؟ ده كل - 00:21:36

دول ماتوا لانهم ما لمسهوش. ده انت اوعى تسمع كلام الازهاريين اللي قالوا لك ده خطر. اوعى تسمع كلام المتطرفين. سلك الكهربا ده
فيه ساعات وحياتك هو اللي فيه قوتك وفي نجاتك. لحد ما يحولك جسة من الجنس المرمية. ابليس مهمته يا جماعة مهمة معروفة
- 00:21:56

وخطته خطة واحدة والحل الاساسي انك تغمض عينيك. انك انت ما تبصش. يبدأ ابليس يدخل لادم. يا ادم انا خايف عليك. انت
هتموت يا ادم هتموت وهتسيب النعيم ده ويسيبه شوية. دلها واحدة واحدة مش مرة واحدة. شوية وييجي ابليس تاني ويدخل
على ادا بشف ربنا - 00:22:16

بيقول ايه بيقول له هل ادلك على شجرة الخلد وملك لا يبلى ؟ يعني ايه ما قالوش الشجرة دي شجرة الخلد لا. قال له يا ادم الحنة

اللي انت قاعد فيها دي فيها شجرة الخلد يا ادم. يا ادم مفتاح خلودك وملكك وسعادتك - [00:22:36](#)

في شجرة موجودة هنا يا ادم وانا عارف مكانها. ما قالوش ان هي دي. هو ده ابليس ابليس ما يجيش يقول لك اعصي ربنا لا. ييجي الاول يعيشك في الاحلام. هل ادلك على وظيفة بخمس تلاف جنيه؟ خمس تلاف جنيه - [00:22:55](#)

تعيش باشا وتحل كل مشاكلك ادلك عليها وتعيش باشا وتحل مشاكلك وتسكن في شقة ما حصلتشي وتجب عريبة بعد الجلسة في شهر ولما يعيشك في الحلم يقوم خابطك الخبطة. الوصيفة ايه؟ تباع خمرة. اباع خمرة ازاي؟ لأ لا يمكن. اباع - [00:23:12](#)

خمرة انا لا يمكن اعمل حاجة حرام. ده من الكبائر. هو خلاص هو زرعها جواك هو زرعها جواك وسابك. هو رمى جواك الحلم ووهمك ان الطريق الوحيد له هو المعصية وسابك. ادلك على طريق الجواز. من واحد غني - [00:23:32](#)

ويسعدك اه ايوة انا عايز اتجوز وبعد كده تكشف شعرك وتتبرجي وتعملي في نفسك العجب لأ حرام ده ملعون تعمل كده! ده في حكم الزانية في الشرع اللي تعمل كده! لأ هو عارف ان خلاص - [00:23:48](#)

زرع جواه الحلم ويسيبك هل ادلك على شجرة الخلد وملك لا يبلى. يا ادم يا ادم فتح عينك يا ادم انت مفتاح سعادتك بينك وبينه خطوات. طب هو فين؟ هو فين المفتاح ده؟ الشجرة ده اهي. ايه! الشجرة دي! الشجرة دي حرام - [00:24:04](#)

الشجرة دي ربنا قال لي عليها حرام؟ لأ. انا لا يمكن اقرب منها. لا يمكن اجي ناحية الشجرة دي. الشجرة دي حرام ربنا قال لك يا ادم ان دي بالزات حرام؟ ازاي ربنا يقول لك كده يا ادم - [00:24:24](#)

يا ادم الشجرة دي يا ادم هي اللي كل الملائكة دي ما بقتش ملايكة غير لما كلت منها يا ادم ما نهاكما ربكما عن هذه الشجرة الا ان تكون ملكين او تكونا من الخالدين. يا ادم ده الشجرة دي هي مفتاح الخلود. يا ادم ده الشجرة دي هي مفتاح الملك. يا ادم ده الشجرة دي يا اللي الملائكة - [00:24:40](#)

تبعت ملايكة لما كانت منها هو ليه ربنا يعمل معك كده؟ اشمعنى انت ليه ربنا يديها لك كل اللي انت ليه ربنا يدي الكل ويحرمك انت حسس ادم بعد ما ربنا رفعه على كل الملائكة ان هو اللي اتحرم وكلهم خده. شوفوا ابليس يا جماعة شوفوا يا جماعة - [00:25:01](#)

يدخل لك ازاي؟ ابليس مش عايزك تعصي. ابليس عايز يعمل قطيعة بينك وبين ربك ابليس عايزك تشك في ربنا. ابليس عايز يقطع صلتك بربنا والعياذ بالله. ما نهاكما ربكما عن هذه هذه - [00:25:21](#)

ادم هزه هزه يا جماعة يعني ايه؟ بيقول له بص يا ادم بص يا ادم الشجرة. بص الشجرة دي جميلة ازاي يا ادم؟ بص يا ادم الشجرة دي نضارتها شكلها ايه؟ ادم يقول له طب الشجرة ديت ما كل الشجرة جنة جميل لأ يا ادم ده دي حاجة تانية خالص - [00:25:39](#)

شف جمالها عن كل شجر الجنة. شف اجزاءها وجمال اجزاءها عن كل شجر الجنة. شف يا ادم اومال لو دقت طعمها يا ادم! هي دي يا ادم هي دي مفتاح سعادتك. هي دي مفتاح خلودك. هي دي مفتاح بقاءك. هي دي مفتاح انك تبقى ملك. هتبقى هتبقى ما لك يا ادم بكل غنى - [00:25:57](#)

قوة الملوك هتبقى ملك يا ادم بكل قدرة الملائكة. هتبقى يا ادم خالص في الجنة ما تتحرمش من النعيم ده تاني. يا ادم يا ادم قسما بالله بكذب عليك وقاسمهما اني لكما لمن الناصحين. انا عشت قبلك هنا. انا جيت اقابلك بسنين كتير قوي. انا عارف ان انت مش - [00:26:17](#)

انا بادلك على اللي انت ما تعرفوش. قسما بالله يا ادم قسما بالله هي دي طريق سعادتك. يا حواء يلا يا حواء. يلا يا مد ايدك. يلا يا ادم قبل ما الفرصة تروح. يلا يا ادم ده فرصة حياتك وفرصة عمرك. قولي له يا حواء قولي له يا حواء الحق يا ادم - [00:26:39](#)

فرصة ويبدأ سيدنا ادم يسمع كلام ابليس ويبدأ يبص للشجرة ويبدأ الشجرة تدخل في عينين سيدنا ادم ايه ده! الشجرة دي صحيحة ممكن تكون مميزة عن الجنة الشجرة دي ممكن يكون هي اللي خلت الملائكة ملايكة. الشجرة دي صحيح زي ما ابليس بيقول طب هو بيقسم بالله ليه يمكن حد يقسم بالله كذب! ابليس - [00:26:59](#)

مستعد يعمل اي حاجة عشان يضيعك اي حاجة واخذ المعركة بقمة الجدية. ابليس خطير. ابليس خبرتك في معاملته على قد عمرك. ولكن خبرته في على قد تاريخ البشرية كله. كل اللي ابليس بيعمله معنا الوقتي يا جماعة تمارين مشهورة. ياما عملوا مع اللي قبلنا.

قبلنا وهو عارف اول ما ادم هيحط ايده على سلك الكهربي هيحصل ايه؟ اول ما الانسان هيحط ايده على المعصية هيعمل ايه؟ هو عارف اول ما ادم هيمد ايده على الشجرة هيحصل ايه. عشان كده ما تلاقيش ولا اية. جابت بعد ما ادم كل من الشجرة سيرة ابليس -

هو عارف ان اول ما ياكل من الشجرة ايه اللي هيحصل. هو عارف اللي بعد كده. عشان كده خلاه ياكل ونزل على الارض يجهز

لادم ولزريته. ابليس عارف. ابليس بيقف يدرس. وقف يدرس ادم. وبعد كده يبدأ الهجوم بتاعه يا جماعة - 00:28:05

وقسمها ادم بدأ يبص للشجرة وبدأ يحس ان الشجرة دي فعلا هي ديت هي ديت مفتاح سعادته كلها فوسوس لهما الشيطان ليبيدي

لهما ما وري عنهما. عارفين يا جماعة الوسوسة هي ايه؟ الوسوسة صوت شخشة الذهب - 00:28:25

لما واحدة تبقى لابسة غوايش ذهب وتشخشخ في ايديها. ده اسمه الوسوسة. الوسوسة سطرانين الذهب. الصوت اللي الستات ما

بتقدرش تقاوم نفسها قدامه. الصوت اللي محب المال ما يقدرش يقاوموا نفسهم قدامه. ابليس بيغريك. ابليس بيغريك باللي ما

تقدرش تقاوم نفسك - 00:28:42

ناموا فورا قرر انه هيجارب ادم. وسوس لهما. هيجارب على كل الجبهات. هيجاول يضيع كل الناس. عشان لو واحد ضاع يضيع

الباقى وسوس لهما الشيطان. الشيطان جاية من مادة شياطة. عارفين لما يقول لك الرز شط شاط يعني بيغلي - 00:29:02

الشيطان بيغلي عليك من الحبيص او جاية من مادة الاشطان اللي هي الحبال. يعني ابليس له حبال حبال الشيطان. عشان يشدك

ويضيعك ويوقعك. وسوسة لهما الشيطان. ليبيدي لهما ما ووري عنهما. عايز يوريك اللي هتقع. عايز يوريك - 00:29:22

الفتن عايز يعرضك للشهوات. ليبيدي لهما ما ووري عنهما. ليبيدي لهما. يعني ابليس عايز يوقع الرجالة والستات. عشان لو طرف ضعف

من اللاتنين يضيع التاني. فبيشتغل على الجميع. عشان كده ربنا بيقول ما وري عنهما. ربنا حفز الطرفين. عشان - 00:29:42

الفتنة ما يتفتحش من اي جهة. ويبدأ ادم يصدق ابليس ويبدأ يبص للشجرة وينسى ادم ينسى ان ربنا قال له لا تقرب هذه الشجرة.

ينسى ان ربنا قال له فتكون من الظالمين. ينسى ان ربنا قال له ان هذا عدو لك - 00:30:02

ويبدأ ادم يتقدم ناحية الشجرة ويبدأ ادم وحواء يقربهم وعينيه كلها احلام ان خلاص ما فيش بيني وبين ملك غير الشجرة دي. ما

فيش بيني وبين الخلود غير الشجرة دي. ويبدأ يقرب من الشجرة. ويبدأ ويمد ايده. ويمسك الثمرة - 00:30:19

طوفها ويبدأ ادم وحواء يحط الثمرة على بقهم. واول ما يلمس سلك الكهربي اول ما يحط ايده المعصية فلما ذاق فورا ما استنوش ما

اتهناش بالمعصية لحظة. لما ذاق ما حدش ياكل ما لحقش يقطم ما لحقش يستطعم. لما ذاق اول ما ذاق قصة كل عاصي. قصة كل

عاصي بيحسن - 00:30:40

ان هو ياخذ كل حاجة. يلاقي نفسه فجأة خسر كل حاجة. يلاقي نفسه فجأة ضيع كل حاجة. يلاقي كل حاجة راحت منه. كل حاجة

ضاعت منه فلما ذاق الشجرة اول صدمة اول صدمة بدت لهما سواتهما وطفقا يخصفان عليهما من ورق الجنة. فجأة - 00:31:10

ادم وحواء لقوا نفسهم بلا ملابس. حتى صيام الجنة راحت. وده بداية نزع الجنة منهم. ازاى طفق يخصفان؟ الخسف لما الجزمة

تتقطع يقعدوا يغطوا القطع عشان ما يبان. قعدوا يجيبوا ورق شجر الجنة طبقة على طبقة على طبق مفزوعين. الفترة - 00:31:31

من العري الفطرة مفزوعة من منزر كشف كشف الجسد الفطرة مفزوعة الفترة لما كانت سليمة مش الوقتي مش الوقتي اول الجنة

بدأت تتسحب. تاني صدمة يتعرض لها ادم. اخرجهما مما كانا فيه. اروح فين يا رب؟ اطع برة - 00:31:51

فين؟ انا بقى لي سنين عايش فيها يا رب. اعيش فين واروح فين؟ خلاص ما عدتش هتعيش في الجنة الوقتي يا ادم. تالت صدمة

وناداهما ربهما الم انهاكما؟ الم انهاكما؟ الكلمة اللي تشق القلب يا جماعة. الكلمة - 00:32:11

زلزل القلب. انا مش قلت لك. انا مش قلت لكم يا كل واحد عصاني. قلت لك لو عصيتني هتتهدل. قلت لك لو عصيتني هيضع منك

كل حاجة. قلت لك لو عصيتني هتوه الم انهاكما؟ انا مش قلت لك يا ادم. قلت لك هتخسر كل حاجة - 00:32:31

الجنة وجواري والملايكة والتكريم وصحبة الملائكة في الملاء الأعلى. الم انهاكما؟ مش قلت لك بعد كل التكريم اللي انت كنت فيه كل

حاجة اتأخذت منك يا ادم. الم انهاكم احد الشباب كان تائب جديد. لما كان يقرأ آية - [00:32:51](#)

لم انهاكم يفضل ساعة يبكي. يبكي من الندم على كل معصية وقع فيها. بينه وبين ربنا سبحانه وتعالى. الم انهكما الصدمة الرابعة

اهبطا منها. فین يا رب؟ الارض يا رب انا يا رب اقسم الجنة واعيش في الارض يا رب - [00:33:11](#)

الجنة وعایش وسط الجبال والصحاري يا رب. في الارض يا رب. الصدمة الخامسة. اهبطوا منها جميعا. جميعا يعني ايه يا رب ابليس

ابليس اللي خرجني من هنا هيخرج معي ابليس هينزل معي ازاي يا رب - [00:33:31](#)

ابليس يا رب ابليس اللي خدعني اول مرة وقال لي ما نهاكما ربكما عن هذه الشجرة الا ان تكونا ملكين او تكونا من الخالدين. ابليس

دايما يجي لك يغير لك صورة المعصية. الشاب ماشي مع بنت - [00:33:48](#)

سبها يا ابني اسبها ازاي؟ ده انا ابقى ندل. ده انا ابقى ندل. يا ابني ندل بس ادخل الجنة. يجي لك يغير لك صورة المعصية.

يجي لك نقطة الضعف اللي فيك عشان يضيعك منها. ازاي ينزل معي يا رب! يا رب انا تخرجني من الجنة. هيوديني فین بعد كده يا

رب - [00:34:04](#)

انزل معي كلمة مرعبة. كلمة جميلة. كلمة انك نازل مع ابليس في هذه الدنيا. الصدمة الخامسة او الصدمة السادسة قول الله سبحانه

وتعالى فاما يأتينكم مني هدى فمن تبع هداي فلا خوف عليهم ولا هم يحزنون. والذين كفروا وكذبوا - [00:34:24](#)

اياتنا اولئك اصحاب النار. اللي هيخسر الجولة الثانية مش هيتأخر عن الجنة. مش هيتحرم من الجنة. ده هيروح جهنم. الجولة الثانية

خسارتها تمانية جهنم يا ادم. الصدمة السابعة صدمات يا جماعة. صدمات ورا صدمات ورا صدمات. يفضل ادم يتصدم - [00:34:44](#)

صدمة ورا صدمة ورا صدمة. وتيجي اللحظة الرهيبة وتيجي اللحظة اللي لا يحتملها قلب بشر وتيجي اللحظة اللي فيها اكبر خسارة

خسرتها البشرية. في تاريخها كله. كل حروب الارض كل زلازل الارض كل الكوارس الطبيعية اللي على الارض ما هياش خسارة. زي

خسارة خروجنا من الجنة يا جماعة. وتيجي اللحظة الرهيبة - [00:35:04](#)

يا اخواني ابليس ادم لما عصى ربنا كلنا خرجنا من الجنة. يا جماعة اللي بيعصي ربنا لو اتسكت عليه هيبصع الجميع يا جماعة اللي

بيعصوا ربنا لازم ينصح لازم يوعظ. لازم يؤخذ على يديه. اللي بيعصي ربنا ده عامل زي واحد قاعد يهد في - [00:35:30](#)

هيفرق البلد كلها لازم يؤخذ على ايده. ده بيبصع الكل مش بيبصع نفسه وتيجي اللحظة لحزة الخروج من الجنة. لحزة النزول. اللحظة

الرهيبة. لحزة وادم واقف يا جماعة وادم واقف بيبص على الجنة لآخر مرة - [00:35:50](#)

وادب واقف بيودع كل حاجة في الجنة. وهو بيبص على قصورها وانهارها. وبيبص على رايعينها وثمارها وبيبص عليها وربنا بيعلمه

انه مش هيشوف الجنة دي لمدة الاف السنين. وادم واقف بيوسي للجنة وبيودع كل شيء فيها. خلفاء الاندلس - [00:36:10](#)

وهم بيودعوا قصر الحمراء كانوا ببيكوا بالدم. امال اللي بيودع الجنة؟ ده اللي بيروح مصيف يعجبه وهو بيودعه. بيبكي او مال اللي

بيودع ده اللي كان عايش في عصر وفي تعر واتأخذ منه وهو بيلم شنطه وخارج بيبكي. امال اللي يبكي على الجنة ادم ما خرجش -

[00:36:30](#)

من الجنة بشنطه. ادم خرج من الجنة عاري. عاري لان خلاص كل اللي في الجنة ما عدش ينفع ان ادم يأخذه يا جماعة. ادم من الجنة

يا جماعة وهو بيبص البصة الاخرانية وبيوصي بصة الوداع على الجنة. وبيبص بصة الوداع على الشجرة اللي كل منها. وهو -

[00:36:50](#)

بص لها انت اللي انا اتحرمت من كل ده بسببك انت اللي انا اتغريت فيك وزنيت ان انا هارفع بسببك. في هذا عصيت الله انت اللي

بعد كل التكريم ده يتأخذ مني بسببك - [00:37:10](#)

يا ترى كان في قلبه ايه وهو بيبص للشجرة؟ يا ترى كل عاصي يوم ما يشوف اللي عصى ربنا بسببه يوم القيامة؟ هيبص له وهيقول

ايه تقيع الارض فلذات اكبادها مسل الاسطوان من الذهب. يوم القيامة الارض تطلع الذهب بتاعها كله. فيأتي القاتل وينظر -

[00:37:23](#)

قل في هذا قتلت. هي دي اللي خلتنني اقتل ويأتي السارق. ويقول في هذا سرقت. هو ده. هو ده اللي خلانا نعصي ربنا ادم وهو بيبص

على الشجرة نظرة الوداع. ادم وهو واقف على باب الجنة وهو يفتكر يوم ما الملايكة دي كلها. الملايكة اللي واقفة - [00:37:43](#)

تعبد ربنا في ملكوت السماوات دي كلها يوم ما سجدت له. ويقارن لحزة النزول بلحزة السجود لحزة النزول يوم ما الملايكة دي كلها نزلت قدامه تسجد. وهو النهاردة نازل قدامها بسبب معصيته. بعد كل التكريم دا يا ادم - [00:38:03](#)

يفتكر ادم يوم ما ربنا باهي بالملايكة وقال لهم الم اقل لكم يفتكر ادم يوم ما ربنا اسجد له كل الملايكة اللي هو نازل قدامهم ملك ملك يفتكر ادم يوم ما ربنا طرد ابليس من الجنة بسببه. انا بعد ما ربنا عمل لي كل ده اخرج نفسي من التكريم ده بنفسي - [00:38:20](#)

انا انا اقابل كل نعم ربنا بده. انا اعمل كده! اتخيلوا يا جماعة تخيلوا اول مرة اول مرة ادم نزل على الارض. اول مرة جاع. اول مرة عطش. اول مرة تدعي الحر. اول مرة دعي البرد - [00:38:40](#)

اول مرة ده الخطر والمخاوف بتاعة وحوش الارض تخيلوا يا جماعة تخيلوا يا جماعة قبل كده ادم لما كان يبص للطير اللي طائر ينزل مشوي قدامه. النهاردة لما جاع وهو بييجري ولا طير هزيل. يحاول ان هو يجيبه عشان ياكله. ادم كان بيشرب من انهار العسل واللبن والخمر في الجنة - [00:38:57](#)

تخيل اول مرة داق في بقه طعم مائة الارض. ادم كان عايش في قصور طوبة ذهب وطوبة فضة. وملاطها المسك وعاصح الياقوت واللؤلؤ والمرجان. تخيل اول مرة وهو بيحاول يبني بيت من من الطوب او من او من الطين. او من اي حاجة - [00:39:21](#)

عشان يسكن فيه ويستتر فيه. ادم كان بيلبس من السندس والاستبرق. تخيل اول مرة حس بالبرد ودور على حاجة يصنع منها ملاك ادم كان عايش في جو لا تقول لي بقى رفييرا ولا سواحل اوروبا تخيل اول مرة داء الحر والبرد على الارض. وكل مرة - [00:39:41](#)

يفتكر كل ده يا ادم بسبب معصية واحدة. عصيت بها الله. كل ده ادم بسبب معصية واحدة. كل ده ادم بسبب مخالفة امر واحد. يا جماعة اوعوا تفتكروا ان عقوبة ربنا على ذنب ادم كانت عقوبة مبالغ فيها. هي دي عقوبة - [00:40:02](#)

ذنب يعني اللي اذنب الالف الذنوب اللي اذنبت ملايين الذنوب. اوعى تفتكر الذنب هو ده عقوبته. هو ده يا جماعة لازم بنخاف من عقوبة زنوننا. مش معنى ان احنا ما اتعاقبناش في الدنيا ان ما لهاش عقوبة. تخيل! سيدنا ادم وهو نازل عكس رحلة - [00:40:22](#)

في المعراج وهو نازل ببودع الجنة وسدرة المنتهى والبيت المعمور وهو يبعد عن الجنة ويبعد ويبعد وتختفي الجنة مش هترجع ثاني يا ادم غير بعد الالف السنين. مش هترجع ثاني يا ادم غير يوم القيامة. انزل يا ادم. انزل يا ادم بعد ما عرفت مين حبيبك - [00:40:42](#)

من عدوك انزل يا ادم انزل يا ادم بعد ما عرفت بعد ما اتأهلت لمهمتك. انزل يا ادم بعد ما عرفت خط سيرك. انزل يا ادم بعد ما عرفت خطة - [00:41:03](#)

عدوك في تدميرك. انزل يا ادم بعد ما عرفت لما ربنا رضى عنك رفعك قد ايه. ولما عصيته نزلك قد ايه؟ انزل يا ادم انزل يا ادم وراك مهمة. انت خدت الجنة اول مرة ببلاش. انما خلاص الجنة ما وعدتش ببلاش. انزل يا ادم ادفع تمن الجنة على الارض - [00:41:14](#)

هو ده المكان الوحيد اللي تقدر تدفع فيه تمن الجنة. انزل بعد ما شفت الجنة وعرفت الجنة تستاهل دعم قد ايه. انزل علم كلها الجنة دي محتاجة شغل قد ايه. انزل حزر زريتك. ابليس ده عدو مبين قد ايه. يا جماعة - [00:41:34](#)

ربنا قال للملايكة وكان ابليس فيهم قال لهم اني جاعل في الاله الارض في الارض يعني يعني ابليس كان عارف ان ادم مش هيعيش في الجنة ابليس كان عارف ان ادم نازل الارض يا جماعة يعني ايه - [00:41:55](#)

يعني ابليس كان حاسس ان ادم خارج خارج؟ ايوة. يعني ايه يعني ابليس ما كانش عايز ادم يدخل من الشجرة عشان يخرج! يا جماعة ابليس كان عارف انه خارج خارج. امال ابليس كان عايزه يخرج ليه؟ امال ابليس كان عايزه ياكل ليه - [00:42:09](#)

ولما ادم نزل نازل امال ربنا عيشه في الجنة الاول كل الفترة دي ليه؟ ودوقوا الجنة ليه؟ ومتعه بنعيمها ليه؟ ليه عشان يا جماعة خدوا بالكم لما واحد ييجي يقول لولا ابونا ادم كان زمانا دلوقتي في الجنة الكلمة دي غلط. ادم نازل نازل ادم كان نازل نازل امال ليه؟ ليه - [00:42:23](#)

ربنا سابه ييعيش في الجنة الاول. اول حاجة عشان يفضل طول عمره مشتاق لها. ده انت لو كلت اكلة حلوة في مطعم بتفضل طول

وقتك مشتاق انك تاكل تاني ده انت لو شربت عصير حلو في عصارة بتفضل عايز تروح تاني. ده انت لو رحت مكان ولا مصيف حلو. بتفضل طول حياتك نفسك ترجع تاني - [00:42:45](#)

امال اللي كل من الجنة؟ امال اللي شرب من الجنة؟ امال اللي سكن في الجنة؟ ربنا سكن ادم في الجنة؟ عشان اما ينزل الدنيا يعرف الفرق بين الجنة والدنيا ما يفتنش من الدنيا ويعلم زريته كلها انهم ما يفتنوش بالدنيا. ربنا خلى ده يحصل عشان ادم يتعلم - [00:43:05](#)

يعني ايه معصية؟ عشان بدرس عملي يعرف المعصية بتخسر قد ايه وبتنزل قد ايه. ربنا ادى لقدم درس عملي درس اتقن درس ربنا اعده لادم بعناية عشان ادم يعرف مين هو ابليس. لو كان ادم ما خرجش من الجنة بسبب ابليس - [00:43:25](#)

ما كناش عرفنا ابليس خطره ايه. وابليس قد ايه ممكن يدمرنا. والخسارة قدام ابليس ممكن تودي فين انزل يا ادم انزل يا ادم من الجنة. يا جماعة ادم نزل فين - [00:43:45](#)

ادم نزل فين؟ النصوص ما قالتش بالزبط ادم نزل فين؟ ما فيش في زاهرها ادم نزل فين؟ ممكن يكون عند عرفة المكان اللي اخذ الميثاق منا كلنا فيه ولكن هتفرق ايه نزل فين؟ يا عم نزل في الساحل الشمالي - [00:44:00](#)

يا عم نزل في الريفيديا. يا عم نزل في اجمل مكان على وجه الارض. نزل فين؟ هو بعد الجنة في فين؟ هو بعد الجنة عادي اتفارق ادم يا جماعة دايمًا يتقال صبري ايوب - [00:44:15](#)

ولكن اللي صبر اكثر من ايوب ادم. تخيلوا ادم وهو نازل على الارض بالصحاري. والجبال بتاعتها مش سنة الفين وعشرة. بعد لما اخذ الزخرفة لها وهو نازل على الارض في الاول. تخيلوا يا جماعة نازل وحواء نزلة في قارة او بلد وادم في بلد - [00:44:29](#)

عشان ربنا يقول له المعصية بتفرق قد ايه؟ كل اتنين عصوا ربنا مع بعض. هيفرق بينهم بسبب المعصية قد ايه؟ تخيل قد وهو نازل. سما سما قدام ملك ملك من ملايكة السماوات. ويبدأ يشوف المجرات ويبدأ يعدي المجرات. وتبدأ الارض - [00:44:49](#)

من بعيد ويبدأ يقرب واول ما يشوف الارض يفزع ادم. هنا يا رب انزل هنا يا رب. يا رب اعيش هنا بعد اللي كنت فيه اعيش فينا. لا ده لكم في الارض مستقر ومتاع. مستقر تحت ترابها - [00:45:09](#)

تموتوا ومتاع فوق ترابها وانتم عايشين. تخيلوا ادم وهو بيشفو الجنة وبيشفو الارض لاول مرة. ادم بعد ما شاف الجولة الاولى خرجته من الجنة للارض. الجولة الثانية يا جماعة مش - [00:45:26](#)

اتخرجنا من تصفيات كاس العالم الجولة الثانية مش هتخلينا نخرج من التصفيات ونتفرج زي المحاريم على كاس العالم. الجولة الثانية بتودي جهنم لو خسرن فيها. الجولة الثانية يا ترى كان احساس - [00:45:41](#)

وهو بيبص للجنة وهو خارج وهو بيبص للملايكة وهو بيبص للسماوات وهو بيبص للارض وهو بيبص لملكوت الملائكة وهو بيبص لادم يا جماعة ربنا ليه خلاه يسكن الجنة الاول قبل ما يخرج عشان يفضل مشتاق لها عشان يعرف مين هو - [00:45:54](#)

ابليس عشان يعرف يعني ايه معصية لله. عشان يعرف الخسارة قدام ابليس بتخسر قد ايه. يعني معركة خطيرة. عشان تعرف تمن الجنة عشان ما يفتنش بالدنيا بعد ما شاف الجنة. ربنا خلاه يشوف الجنة الاول. طب ابليس حاول يخلي - [00:46:14](#)

ادم ياكل ليه؟ ما هو ادم خارج خارج. ادم نازل نازل. يعني هي عارفين يا جماعة ابليس كان عايز ادم ياكل من الجنة ليه؟ اول حاجة ابليس عارف ان المعركة تحت مش فوق - [00:46:34](#)

ولكن عايز ينزل ادم وهو عاصي. عايز يحسس ادم انه مش هيقدر قدام ابليس عايز يكسر ادم عايز يوصلك للمرحلة اللي ضيع بها معزم الناس. مرحلة مش هتقدر. مرحلة من قبل ما تنزل الارض - [00:46:47](#)

يا ادم انسى يا ادم انسى انك هتنجح. انسى يا ايها الشاب انك هتلتزم. انسى انك هتسبتي. انسى ان الدين هيقوم. انسى ان المعاصي هتروح. انسى ان شهواتها تطهر. عايز يكسرك نفسيا. عايز يهزمك. عايز يحسسك انك مش هتقدر ولا يمكن - [00:47:05](#)

ولا يمكن ان تقدر. ابليس كان عايز يعمل قطيعة بين ادم وبين ربنا. عشان لما ادم ينزل الارض ما ييقاش له حماية من الله لان ابليس اقوى من ادم كما قيل في الطبري اقوى من ادم. ولكن حماية الله ودفاع الله عن المؤمنين هي اللي - [00:47:25](#)

اللي ما يقدرش يعمل لهم حاجة ابليس كان عايز ادم يدوق. لان اللي بيدوق المعصية غير اللي ما داقش المعصية. ابليس يا جماعة كان له فكر. من ورا انه يخلي ادم يعصي. 00:47:45 - عشان

لما ادم ينزل الارض احساس قدم وهو نازل احساس ادم وهو نازل صبر ادم على انه يعيش في الارض بعد ما عاش في الجنة. او كان كل همه مش الجنة بس. ان ربنا يرضى - 00:47:57

احساس ادم وهو نازل يا جماعة ليه يا جماعة؟ ليه؟ ليه ربنا نزلنا الدنيا؟ طب يا رب كنا نعبدك في السماء؟ لا. ده انتم لازم انزلوا ورغم الشهوات والفتن اللي موجودة دي والاغراءات دي تجولي وما فيش حاجة تلفتكم ولا تصرفكم عني. ليه يا رب؟ ليه يا رب قبل ما ندخل - 00:48:11

الجنة لازم نعدي من على جهنم. من فوق الصراط عشان تعرفوا تمن الجنة. عشان لما تشوفوا جهنم قبل ما تدخلوا الجنة تعرفوها. فكان تنزلوا الدنيا قبل ما تيجوا الجنة عشان برضو لما تشوفوا الجنة تعرفوها. لازم لازم تعبد ربنا خمسين سنة من غير ما تشوفه. عشان - 00:48:31

تري الله ساعتها النظر لوجه الله. يبقى فعلا تعرف انه اعظم لزة في الوجود. لازم كان لازم تطيع ربنا خمسين سنة قبل تدخل الجنة عشان لما تشوف الجنة اللي عبدته ربنا عشانها. وانت كنت لسة مش شايفها. تعرف قيمة الجنة بعد ما تعبت عشانها. ربنا سبحانه - 00:48:51

تعالوا يا جماعة ادانا درس رهيب. لما نزل ادم على الارض ينزل ادم ويجرب الجوع ويجرب انه عشان يجيب رغيف عيش. مش عشان يجيب طيور الجنة المشوية. عشان يجيب رغيف عيش. لازم - 00:49:11

يا ادم وبعد كده ابزر يا ادم وبعد كده ارعى الزرع يا ادم وارويه يا ادم وبعد كده احصد يا ادم وبعد كده اطحن الحبوب يا ادم. وبعد كده اعجن يا ادم. وبعد كده اخبز. ده الكلام ده في اثار. يا جماعة وردت - 00:49:27

وبعد كده يخبز وبعد كده تاكل هذا الرغيف. يجرب ادم الحياة على الارض وينزل سيدنا ادم عليه الصلاة والسلام ينزل سيدنا ادم وهو في قلبه ندم لو اتوزع على الدنيا كلها يفيض - 00:49:47

انزل ادم وفي قلبه الم لا يمكن حد يقدر يوصفه في الحياة ينزل ادم وقلبه مكسور كسرة رهيبة وقلبه فيه الم رهيب ينزل ادم وهو مش قادر يتخيل ان المعصية بتعمل كل ده ينزل قدم ويفضل ميت سنة. كما ورد في - 00:50:06

من الاثار ميت سنة موطي راسه في الارض مش قادر يرفع راسه من الخجل القاتل من الله. ينزل ادم ويفتكر كلام ربنا ليه قبل المعصية وكلامه بعد المعصية ويفتكر يوم ما ربنا قال له ويا ادم - 00:50:31

اسكن انت وزوجك الجنة وكلا منها. حيث شئتم كلها بتاعتك رغد. عش ملك الملوك يا ادم عش يا ادم عشت الملوك ولا تقربا هذه الشجرة ويفتكر ادم بعد المعصية وربنا بيقول له - 00:50:50

كم انهاك؟ انا مش قلت لك يا ادم كان لازم تجرب مرارة الارض يا ادم. كان لازم تجرب مرارة النزول قدام الملائكة كان لازم تجرب مرارة الحرمان من الجنة. كان لازم تجرب مرارة الحرمان من تسبيح الملائكة. كان لازم تجرب هذه هذا البعد - 00:51:10

يا ادم كان لازم تجرب الدنيا لادم. كان لازم تجرب عشان تعرف يعني ايه معصية وينزل ادم واتملى قلب ادم بندم لا يمكن انه يوصف يا جماعة وبعد ميت سنة ان صح هذا الاثر - 00:51:30

يبدأ ادم يبدأ ادم لاول مرة يرفع راسه ولاول مرة يقدر انه يطلب من ربنا انه يغفر له لاول مرة يبدأ يطلب من ربنا المغفرة كما صح في الاثر. ان ادم قال لله يا جماعة قال له ايه؟ يا رب - 00:51:48

الم تخلقني بيدك؟ يا رب انت مش خلقتني بايدك؟ قال بلى يا رب الم تنفخ فيه من روحك قال بلى يا رب الم تسكني جنتك؟ قال بلى يا رب الم تسبق رحمتك غضبك؟ قال بلى. قال يا رب - 00:52:07

افرايت ان تبت واصلحت راجعي انت الى الجنة. انا ممكن تقبلني ثاني يا رب انا ينفع ارجع اسكنها ثاني يا رب انا يا رب ممكن ارجع ثاني ابقى قريب منك - 00:52:27

ممکن ترضى عني يا رب؟ انا ممكن يا رب ثاني. اعيش في التكريم اللي انت اللي انت عيشنتني فيه يا رب. انا ممكن ثاني يا رب ممكن
تقبلني يا رب - [00:52:42](#)

ينفع اتوب؟ ينفع يا رب للي بيذنب توبة؟ أرايت ان تبت اصلحت مراجعي انت الى الجنة. قال نعم. وكانت افرح لحظة في حياة سيدنا
ادم. وتنزل كلمات التوبة وينزل كلمات التوبة على ادم. قال تعالى فتلقى ادم من ربه كلمات - [00:52:52](#)

فتاب عليه انه هو التواب الرحيم. تلقى يا جماعة زي قول الله وانك لتلقى القرآن. فيها لهفة. فيها شوق. فيها فرحة. فيها انتزار. زي
اللي واقف في مكان ضلعة او في سجن وفجأة اتفتح له باب. زي اللي واقف في مكان ضلعة وفجأة لقي نبراز. تلقى فيها اللهفة وادب
بيتلقى كلمة التوبة من الله - [00:53:18](#)

اه فيها اللهفة الرهيبة بعد الندم القاتل. بعد الالم القاتل. بعد الانكسار القاتل. فيها الالم الا فتلقى ادم من ربه كلمات فتاب عليه لا صلب
ولا فداء ولا دبح ولا خطيئة في رقبة البشر - [00:53:44](#)

كلمات بس قلبك يصدق فيها. فيه قراءة ثانية رهيبة. رهيبة يا جماعة في المعنى. فتلقى ادم من ربه كلمات لأ في قراءة ثانية تلقى ادم
ادم هنا مفعول به. فتلقى ادم من ربه كلمات يعني ايه؟ فاكرين السلام تمانية وتسعين اما غرقت - [00:54:04](#)

والناس فضلت نائمة يومين ثلاثة على ظهرها في المية اللي نجا منهم. مستنيين طيارة تيجي تنزل لهم طوق نجاة. يطلعوا به طوق
النجاة لما اتحدف لواحد منهم وهو وسط البحر والمهلكة دهلي كلها. فتلقى ادم من ربه كلمات - [00:54:24](#)

كأن الكلمات جه نزل وادم كان وسط بحر الندم. ادم كان وسط بحر من الالم. ادم كان هيموت زي ما الغرقان بيموت من شدة الندم
والالم توب اتنبى يا جماعة. اول عمل صالح عبد به الارض الله على وجه الارض. هي التوبة. توبة نبي اعظم توبة - [00:54:44](#)

انت لما بتعصي ربنا بتندم الندم ده انت ندمان على اللي انت عملته الندم ده. انت ندمانة على زنوبك الندم ده فتلقى ادم من ربه
كلمات والكلمات نازلة زي طوق النجاة. اللي انتشل ادم واخيرا ادم يلهج لسانه قلبه - [00:55:05](#)

ربنا ظلمنا انفسنا وان لم تغفر لنا وترحمنا لنكونن من الخاسرين. يا جماعة كلمة استغفر الله نعمة. يا جماعة يوم القيامة ممنوع استغفر
الله. اللي هيلاقى ذنوبه في الصحيفة مش هيقدر يقول استغفر الله. خلاص. استغفر الله - [00:55:25](#)

فرصة بس في الدنيا. ده طوق نجاة في الدنيا. استغفار عدم اللي لازم قلوبنا تلهج به. ربنا والواحد بيطوف حوالين الكعبة. في اللي
فاتت يتخيل رب اللي رباني. يا رب انت خلقتني. كنت سنتي ونص علة. انا الوقت يا رب مترين الاربعة. بطوف حوالين الكعبة
وبسبحك - [00:55:45](#)

يا رب يا رب ربى كل نعمة فى حياتى ربط بك. لو فى قلبى ايمان انت يا رب. الايمان ده ربى بك. انت ربى. ربنا ظلمنا انفسنا انا انا
ظالم يا رب - [00:56:07](#)

انا اللي زالم يا رب. انا استاهل اللي حصل لي يا رب. انا استاهل كل حاجة اتعملت في من ذنب يا رب. ربنا ظلمنا انفسنا ان لم تغفر لنا
وترحمنا لنكونن من الخاسرين - [00:56:20](#)

ورحمة الله وبركاته الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله
واليك يرجع الامر كله اللهم صل على محمد وعلى ال محمد. كما صليت على ابراهيم وعلى ال ابراهيم انك حميد مجيد. ثم اما بعد
يتوب الله على ادم - [00:57:05](#)

اخواني يتوب الله على ادم سيدنا ادم ابليس خلاه يعصي بس ادم لم يحبط ادب ما احبطش لما عصى. بل كان الزنب دافع انه يملأ
الارض عبادة بعد كده. يتوب الله على ادب. اوعى لما تزنب تحبط. ما تعملش زي - [00:57:30](#)

اللي ماشي في الشارع ولا بس جلابية نضيضة قامت جاية عربية جت على شوية طين داست عليهم جابتهم عليه يقوم يلاقى الجلابية
اتوسخت يقوم نازل في بركة الطين يقعد يستحمى فيها. لأ ما تحبطش. ما تحبطش قم وكمل. تسعين في المية من سبب الانتكاس
بعد رمضان - [00:57:46](#)

للي بيلتزموا في رمضان ان الشيطان بيوقعه في معصية في العيد يقوم يحبط ويسيب الالتزام. اوعى تحبطوا يا جماعة. يا جماعة

طلب طلب وادم طلب طلب. ابليس طلب ان ربنا ينظره ليوم القيامة. وادم طلب التوبة ربنا اجاب الطلبين. لو كان ابليس - 00:58:06
طلب التوبة كان ربنا تاب عليه. ولكن ما طلبش التوبة. يا جماعة ابليس كان عايز الارض انما احنا عايزين الجنة. عشان كده شف
ابليس خرج من الجنة ازاى مذئوما مدحورا وادم خرج من الجنة ازاى؟ يا اخوانا هو ده الطريق الطريق لازم فيه مشاكل. لو انت
التزمت - 00:58:26

وما لقتش بيتك قام عليك. وما لقتش الشهوات اللي انت كنت بتتمناها ومش عارف تاخذها. فجأة جت لغاية عندك. وما لقتش
اصحابك بتوع زمان هم اللي فجأة بقت المعاصي ما تحلاش من غيرك بعد ما كان ممكن يروحوا اي حاجة من غيرك - 00:58:46
لو ده ما حصلشي يبقى انت ما انتاش على الطريق. يبقى وجود المشاكل دلالة انك انت عن الطريق الصح. وجود المعوقات دلالة انك
على الطريق الصح وجود الفتن دلالة انك على الطريق الصح. وجود المشاكل ديت كلها. دلالة انك انت ماشي صح. عايزين نتعلم
الانكسار لله يا اخواني. الانكسار لله - 00:59:03

ان احنا ننكسر لربنا لما نذنب لما نقع الرجل اللي اللي وقع في ذنب فقال اي رب اذنبت ذنبا. عملت ايه؟ سرق قتل مش المهم عمل ايه
؟ المهم ان انا يا رب عملت ذنب في حقك مهما كان الذنب - 00:59:23

اي ربي اذنبت ذنبا فاغفر لي فقال الله علم ان له رب يأخذ بالذنب ويغفر الذنب غفرت لك ثم اذنب ذنبا رجع تاني يقع تاني. جاهد
نفسه وقاوم بس رجع تاني. اي رباني - 00:59:42

ذنبا انا يا رب وقعت تاني. انا يا رب عصيتك. انا يا رب اتعديت حدودي. اي رب اذنبت ذنبا فاغفر فقال الله وعلم ان له رب يأخذ
بالذنب ويغفر الذنب. غفرت لك - 01:00:02

ثم اذنب ذنبا رجع تاني. نفس المعصية اللي يجاهد نفسه وكل شوية يقع فيها تاني. نفس معصية السر اللي يقع فيها. انا يا رب وقت
تاني. كافحت وحاولت وجاهدت ووقعت يا رب - 01:00:18

علم ان له ربا يأخذ بالذنب ويغفر الذنب اعلم ما شئت فقد غفرت لك. اي ما دمت على التوبة كلما اذنبت فانا اغفر لك. فين الانكسار يا
جماعة؟ ربنا قال على النبي - 01:00:33

ووضعنا عنك وزرك الذي انقض ظهرك انقذ دارك يعني فكك فقرات عمودك الفقري من بعضها. يعني ما عدش لك عمود فقري. يعني ايه
يعني الكلمة اللي الرسول شافها. جبريل عليها في السماء السبعة كالحلس البالي. زي حطة القماش المرمية. القماش ما لوش عمود في -

01:00:47

فقر يصلب طوله. قماش مرمي متكوم على بعضه. كان حلس البال الذي انقض ظهرك. ما عدتش قادر من الكسرة من كل ذنب انتم
عملتم مين فينا اللي منكسر لله؟ مين فينا اللي مكسور لربنا؟ سبحانه وتعالى يا جماعة. مين فينا اللي مكسور لله سبحانه وتعالى -

01:01:09

مين فينا اللي دايق هذا الانكسار لله؟ اخواني في الله قبل ما اغادر مقامي هذا قصة ابليس كلها قصة انك انت تبص قصة انه يخليك
تبص. اللي هيبص هيقع. الشاب اللي هيخرج من هنا يبص على الشاب اللي ماشي بعربية جديدة. احده موديل ومشغل اغاني لو

بصيتها تقع. لو - 01:01:29

على البنت المتبرجة اللي الشباب ماشيين يبصوا لها تقعي. لو بصيت على القنوات الفاسدة هتقع. هتبقى قاعد قدام الموقع واقع النت.
ويجي لك صورة طول اما افتحها شف وانت عارف انها صورة ضايعة. تفتح ما تفوقش. غير وانت بتتفرج على فيلم قدر والعياذ بالله.

وضايح في بحر المعصية والعياذ بالله - 01:01:49

لو بصيت هتقع. يا جماعة اللي خلى ادم يعصى انه بص للشجرة. ابني ادم اللي خلى واحد منهم يقتل اخوه انه بص لمرات اخوه. ان
بص لي كان هيتزوج اخوه. اللي هيبص هيضيع. اول ثلاث معاصي ربنا عصي بهم في الدنيا - 01:02:09

معصية ادم لانه بص للشجرة. معصية ابليس لانه بص لنفسه. معصية ابن ادم لانه بص لغيره. اللي هيبص هيقع. اوعى تبص برصيصة
العابد اللي الشيطان راح له وفتنوا واغواه لعل نجيب هذه القصة ونشوف العبرة اللي فيها. ولكن ليس هذا المقام. بسبب انه بص للمرأة

الجميلة اللي - 01:02:29

لمسها او تلبس بها. بص للمرأة الجميلة فوق فيقع في الزنا ايه اللي هيبص هيقع حتى لو شيخ حتى لو عالم اللي هيبص اوعى تبص
اقفل عينيك مش هتقدر تغمض عينيك دي كلمة ابليس - 01:02:54

ده فكر ابليس. ده خطة ابليس اللي هيبص هيقع. ثاني حاجة يا جماعة. ثاني حاجة قال تعالى ان الذين اتقوا اذا مسهم طائف من
الشیطان تذكروا. اول ما الشيطان قعد يطوف حواليك كده ويبدأ يدور على مدخل. اول ما يبدأ يمك اول ما تبدأ - 01:03:09
في قلبك. اول ما يبدأ دافع المعصية يبجي تذكروا فاذا اذا للمفاجأة كان واحد كان مغمي عينيك وقاعد يسحبك لحفرة من النار وانت
لسة هتخط رجلك وتقع فجأة فوق. فجأة شلت الغمامة عن عينك. فجأة ابصرت. فاذا هم مبصرون. واخوانهم اخوانهم - 01:03:27
بقي اللي ما رضوش ان هم يفوقوا وبشيلوا الغمامة اللي ماشيين ورا الشياطين. واخوانهم يمدونهم في الغي ثم لا يقصرون. يمدونا
في الغي يفضل يخليه يحلم بالشهوات ثم لا يقصرون ما عايش عارف يفهم. ما عايش عارف يرجع. ما عايش عارف ينقز نفسه.

العربية بتقعد من بتقع من على حرف جبل - 01:03:47

ومش قادر يحط رجله على دواصة الفرامل ويفرمت. خلاص ثم لا يبصرون. بقي عبد عند ابليس ما عايش عارف يمك نفسه يبقى
الحل ايه؟ الحل انك تقفل الباب من اولها. الحل انك انت ما تبصش. اللي هيبص هيقع. الكلمة اللي نخرج بها من درس الليلة. اللي -

01:04:10

بص هيقع. اللي هتبص هتقع. اللي هيبص حتى في الدين على الثغر اللي ربنا فتحه لغيره. ما لكش دعوة خليك في ثغرك ربنا عليك.
الي هيبص لدنية غيره. اللي هيبص للشهوات والمعاصي. اللي هيفتح عينه مش هيقدر يغمضها. ولا هيقدر يمك ايده - 01:04:30
عايزين يا اخواني عايزين نتعلم من هذه القصة. قصة ادم وابليس. قصة الام انهاكما. القصة الرهيبة. اللي يعني مهما كل واحد منا
عاش معانيها قدر ما يستطيع مش هيقدر يوفيقها حقها ابدًا. مش هيقدر يخرج المعاني الرهيبة اللي فيها. حاولوا يا اخواني الليلة

تقروا قصة ادم وابليس. في سورة - 01:04:50

الاعراف ربنا جاب قصة ابليس اول سورة الاعراف لان سورة الاعراف بتتكلم عن الانتكاس وخطر قصة انتكاس هي قصة ابليس. بعد
الاف السنين عبادة يقع. تخيلوا ابليس اللي اقسم بالله كذب في الجنة - 01:05:13

تخيلوا ابليس ده هو كان في يوم من الايام بيعبد ربنا ليل نهار عشان تترعبوا من الانتكاس. طب وليه؟ انتكس ليه؟ لانه كان بيعبد ربه
ربنا عشان غرض عشان ربنا يرفعه. اللي داخل المسجد عشان ربنا ينجحه بس. لو صوت هيتحول لابليس - 01:05:29

الي داخله المسجد عشان تتجوز بس. لو ما تجوزتش بدري هتتحول لنسخة من ابليس والعياذ بالله. الا ان يعصمنا الله. اوعى تعبد
ربنا انت بتعبد ربنا لله وللفرديوس الاعلى. ثم ربنا يمن عليك بالدنيا ما شاء منها سبحانه وتعالى. يا جماعة اوعى - 01:05:47

تعبد ربنا على غرض فتضيع نفسك. يعني قصة ادم. قصة ادم نصين يا جماعة. ادم في السما يعني يروى انها حوالي خمسميت سنة.
وادم على الارض الجانب من قصة ادم اللي ما حدش بيتكلم عنه. المرة الجاية يا شباب ان شاء الله هنتكلم عن معركة المصير. المرة

الجاية هنتكلم عن - 01:06:07

خمسميت سنة تقريبا من عمر سيدنا ادم على الارض ما حدش بيتكلم فيهم. او قليل من يتحدث فيهم قليل. يا جماعة ادم التوبة دي
طوق نجاة. ولكن اللي بيغرق عايز طوقنا جاي - 01:06:28

الشط ولكن عمره ما يعيش في طوق نجاة. لازم يروح الشط ويبنى ويعمر. ادم بعد مرحلة طوق النجاة. ادم بعد التوبة عمل ايه
الخمسميت سنة اللي عاشهم على الارض عمل فيهم ايه؟ ادم يا جماعة اللي ملأ الارض عبادة. ادم يا جماعة اللي دخل اول محارب

عن البشرية - 01:06:42

في معركة المصير. الجولة الثانية. المرة الجاية ان شاء الله الجولة الثانية. المرة دي كانت الجولة الاولى. اللي كانت نتيجتها الوضع
الي احنا فيه الوقت دهو قاعدين في المسجد بنلوز الى الله. خايفين من الفتن اللي برة. الجولة الثانية اللي لو خسرتها هنروح جهنم.

ادم عمل فيها ايه - 01:07:02

ايه اول واحد خد خاض معركة الحق والباطل ادم عمل ايه ادم الخليفة المرة الجاية يا جماعة باذن الله الحلقة الاخيرة من قصة سيدنا ادم هنتكلم عن ابليس لما نزل وادم لما نزل. ابليس ورسالته عمل ايه؟ وادم ورسالته عمل ايه؟ هنتكلم - [01:07:22](#) عن خمسمية سنة لا نزال نجني ثمارهم حتى الان. هنتكلم عن اول معركة في معركة المصير اللي لغاية دلوقتي مستمرة حتى الان اللي لن تنقضي حتى تقوم الساعة باذن الله سبحانه وتعالى. يعني التوصيات باذن الله يا اخواني - [01:07:42](#)

التوصيات يا شباب. يا جماعة يعني مشكلة الملتزمين ان خمسة ستة بيتكلموا في الملتزمين. والباقي بيتفرجوا. يا جماعة لازم كل واحد يبقى له دور. يعني اعمل ايه؟ انا مش عارف ابقى داعية. يا اخوانا فيه حاجة اسمها قول الحق ان واحد يقول وفيه حاجة اسمها نشر الحق - [01:08:01](#)

يا جماعة المسلمين مليار مليار وربعميت مليون. انجح درس في التاريخ. كم واحد سمعه وقعد مركز بحق وحقيقي قدامه؟ مليون يبقى لسة مليار وتلتمية تسعة وتسعين مليون ما يعرفوش عنه حاجة. يبقى قول الحق مهما كان هيوصل الدين لقد ايه. لسه بقى ثغر رهيب - [01:08:21](#)

نشر الحق اللي ياخذ الكلام وينشره. اللي ياخذ الكلام ويقول تاني. اللي ياخذ الكلام ويترجمه. اللي ياخذ الكلام ويكتبه. اللي ياخذ الكلام ويعمل موقع نت يوصله اللي ياخذ الكلام وينشره باي وسيلة كانت. اللي ياخذ الكلام ويودي له مكان شغله او مكان بيته. او لاخوانه. يا جماعة عايزين نشر - [01:08:41](#)

الحق يا جماعة. يا اخواني وانت جاي الدرس او اي درس. مش طالب منك غير طلب واحد بس. قبل ما تيجي بعشر دقائق بس. مكالمه واحد بس واحد مش اتنين يا عم مش ثلاث واحد بس. مكالمه لواحدة بس منك. وتقول له تعال معي الدرس اللي هروح - [01:09:02](#)

انا رايح درس الشيخ محمد حسان في التوحيد. تعال معي درس بس مكالمه. عارفين انتم لو عملتم كده؟ كل درس هيتضاعف على الاقل كل اسبوع لو عملنا كدهو يا جماعة والله معزم الناس عايز يبجي الدروس ولدين بس هو مش عارف فين هو ميعرفشي هو ناسي - [01:09:22](#)

هو الشيطان مغفله. هو محتاج زقة. محتاج زقة زقه يا اخي وخذ سوابه. يا جماعة الطلب اللي مطلوبه منكم. قبل اي درس حد رايحه اتصل بواحد بس. اتصلي بواحدة بس. قل له انا هعدي اخذك بالعربية لو عندك عربية. انا مستنيك - [01:09:43](#) ونروح بتاكسي مع بعض. انا انا هاقابلك هناك. اي حاجة يا جماعة. اي حاجة يا اخوانا يا اخوانا نشر الحق لو انت مش قادر تقول الحق انشر الحق انشروا مش قادر تدعو اخدم الدعوة - [01:10:03](#)

اخدم الدعوة يا اخواني عايزين يبقى لنا دور ايجابي. انما اما يبقى الوضع اللي احنا فيه ده متفرجين ازمة البطالة الدينية وسط ملتزمين بطالة زي البطالة اللي في الدنيا بالزبط - [01:10:19](#) وزيفتك ايه في دين ربنا؟ وظيفتك ايه في ذلك الدين؟ عشان كده يا اخواني يعني انا عايزكم تركزوا في حته نشر الحق شهر جميل وعظيم وارحم مليون مرة من انك انت تقول الحق اخدم اللي اتقال - [01:10:34](#)

اخدم خدم على اللي اتقال في الدعوة بس. ممكن يبقى لك سواب اعزم. اعزم من اي حد ليه؟ لان ممكن الداعية الف وانت توصل الكلام ده لمليون. يبقى شف انت عملت اكثر من الدرس دهو - [01:10:50](#) ميت مرة او الف مرة. عشان كده يا اخواني عايزين نبقي ايجابيين شوية في دين الله سبحانه وتعالى. ما تنسوش بكرة صيام يوم الخميس باذن الله سبحانه وتعالى. غدا الخميس - [01:11:08](#)

في شاب من الشباب قال لي بعد الدرس انت في ميزانك ان شاء الله تلتمية وخمسين سنة قصده على الخمس تيام اللي فاتوا. اللي يعني ان شاء الله كثير من الناس صامهم - [01:11:18](#)

آآ باذن الله سبحانه وتعالى الخمس تيام اللي فاتوا آآ الاثنين والخميس والخميس والاتنين اللي فاتوا وما بينهم تلتاشر واربعتاشر وخمستاشر فبكرة يوم صيام ان شاء الله بكرة يوم صيام نتسحر كده باذن الله وننشر الصيام. يا جماعة انشروا يا اخوانا. رسالة

عليك بالصوم فانه لا عدل له. حديس سهل جدا. لا عدل له يعني مش هتلاقي حاجة اتقل منه على الميزان مش هتلاقي سواب اعلى منه ساعة لقاء الله. الرسالة دي اكتبها وابعثها - 01:11:45

انشروا الحق يا اخواني. انشروا الحق على قد ما تقدروا. اتصل بحد ذكره. اتصل بحد هات سحور يا عم لحد ورح سحره اعمل حاجة اعمل حاجة انشر دين ربنا انشر العبادة على قد ما تقدر باذن الله سبحانه وتعالى - 01:11:58

يعني بندعو لكل مريض مسلم وبندعو يعني علمت قبل ما اجي ان الشيخ ابراهيم الشال يعني يعني وهو من لهم فضل في الدعوة الى الله سبحانه وتعالى يعني وامور الدعوة الى الله ان هو عمل حادثة شديدة. وانه يعني اصيب بكسور وجروح وكذا. فنسأل الله سبحانه وتعالى ان يشفيه شفاء لا يغادر سقما. اللهم اشف - 01:12:15

كل مريض مسلم. اللهم اشف مرضى المسلمين. اللهم فرج كربات المسلمين. اللهم تب على عصاة المسلمين. اللهم تب على عاصيات المسلمات. الله اللهم نجنا من الفتنة ما ظهر منها وما بطن. اللهم تب علينا الان توبة ترضى بها عنا. اللهم لا تخرجنا من بيتك الليلة الا وقد غفرت لنا - 01:12:35

ذنوبنا وكفرت عنا سيئاتنا وكتبتنا من اهل الفردوس الاعلى. اللهم تب علينا توبة لا نضل بعدها ابدا. اللهم احفظنا من مكائد الشيطان.

اللهم احفظنا من حبال ابليس. اللهم اعصمنا من الشياطين. من شياطين الناس والجان يا رب العالمين - 01:12:55

اللهم تب علينا. اللهم اهدنا ويسر الهدى اليها. اللهم بلغنا رمضان واعنا فيه على ذكرك وشكرك وحسن عبادتك اللهم اغثنا. اللهم افتح لنا الابواب. اللهم استعملنا ولا تستبدلنا. اللهم اغفر لنا تقصيرنا. اللهم اغفر - 01:13:15

لنا اثمنا. اللهم اغفر لنا كل منكر رأيناه ولم نغيره. اللهم اغفر لنا كل معصية عصيناك بها اللهم اغفر لنا كل موقف اردت ان نقوم لنصرة دينك فيه فقعدنا. اللهم اغفر لنا. اللهم اغفر لنا - 01:13:35

عن كل مسلم استنصر بنا ولم ننصره. اللهم اغفر لنا عن كل معصية رأيناك تعصى بها ولم نغضب لك اللهم اغفر لنا عن كل يوم قعدنا فيه عن نصره دينك. اللهم اغفر لنا عن كل ليلة قعدنا فيها عن القيام بين يديك - 01:13:55

اللهم اغفر لنا. اللهم اغفر لنا اثمنا وخطايانا. ربنا ظلمنا انفسنا. ربنا ظلمنا الفساد وان لم تغفر لنا وترحمنا لنكونن من الخاسرين ربنا ظلمنا انفسنا وان لم تغفر لنا وترحمنا لنكونن من الخاسرين. برحمتك يا ارحم الراحمين - 01:14:15

اقول قولي هذا واستغفر الله لي ولكم بنك الدم آآ الخيري يا اخواني. اخوانكم برة اللي عايز يتبرع او تتبرع في بنك الدم الخيري. باذن الله سبحانه وتعالى. وموعدا الاربعاء - 01:14:43

القادم باذن الله سبحانه وتعالى - 01:14:58